

BOSNA I HERCEGOVINA - БОСНА И ХЕРЦЕГОВИНА

*Agencija za razvoj visokog obrazovanja
i osiguranje kvaliteta/kvalitete
Bosne i Hercegovine
Banja Luka*



*Агенција за развој високог образовања
и обезбјеђивање квалитета
Босне и Херцеговине
Бања Лука*

Agency for Development of Higher Education and Quality Assurance of Bosnia and Herzegovina

Broj: 05-33-1-574-~~39~~15

Datum: 06.02.2020. godine

Na osnovu člana 49. alineja 5) Okvirnog zakona o visokom obrazovanju u Bosni i Hercegovini („Službeni glasnik Bosne i Hercegovine“ br. 59/07 i 59/09) (u daljem tekstu: Okvirni zakon), u postupku akreditacije visokoškolske ustanove **Univerzitet modernih znanosti CKM**, a na osnovu mišljenja Komisije stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova (u daljem tekstu: Komisija stručnjaka), nadležnom obrazovnom organu, direktor Agencije za razvoj visokog obrazovanja i osiguranje kvaliteta (u daljem tekstu: Agencija) daje:

PREPORUKU

o akreditaciji visokoškolske ustanove **Univerzitet modernih znanosti CKM**

O b r a z l o ž e n j e

Dana 13.11.2017. godine Agencija je zaprimila od Ministarstva obrazovanja, nauke i sporta Hercegovačko-neretvanskog kantona, (u daljem tekstu: Ministarstvo) Prijedlog za imenovanje komisije stručnjaka za akreditaciju visokoškolske ustanove Univerzitet modernih znanosti CKM, broj: 05-03-40-1213-15/15 od 08.11.2017.godine u kojem je predloženo da Agencija imenuje Komisiju stručnjaka koja će obaviti posjetu visokoškolskoj ustanovi Univerzitet modernih znanosti-CKM Mostar i, na osnovu utvrđenog stanja, dati preporuku o ishodu akreditacije predmetne visokoškolske ustanove.

Postupak akreditacije visokoškolske ustanove Univerzitet modernih znanosti CKM, tačnije imenovanje Komisije stručnjaka nije bilo moguće izvršiti zbog toga što nisu bile obezbjeđene pravne pretpostavke za provođenje postupka. Usvajanjem dokumenta Odluke o izmjenama i dopunama odluke o normama kojima se određuju minimalni standardi u području visokog obrazovanja („Službeni glasnik BiH“, broj 26/19) otklonjene su prepreke za imenovanje Komisije stručnjaka i provođenja postupka akreditacije predmetne visokoškolske ustanove.

Agencija je, postupajući u skladu s Instrukcijom o načinu imenovanja komisije stručnjaka za akreditaciju, 05-02-1-71-1/16 od 28.1.2016.godine, nakon što je utvrđeno da se predloženi članovi Komisije stručnjaka nalaze na utvrđenoj Listi stručnjaka iz člana 48. alineja 3.) Okvirnog zakona i da je sastav Komisije stručnjaka predložen u skladu sa Odlukom o normama kojima se određuju minimalni standardi u području visokog obrazovanja u Bosni i Hercegovini

www.hea.gov.ba, e-mail: info@hea.gov.ba

BA – 78000 Banja Luka, Ulica akademika Jovana Surutke 13, Tel.: +387 51 430 510, Fax: +387 51 462 302

(„Službeni glasnik Bosne i Hercegovine“, broj 100/11) i Odluke o izmjenama i dopunama odluke o normama kojima se određuju minimalni standardi u području visokog obrazovanja koja je stupila na snagu 8.3.2019. godine (u daljem tekstu: Odluka o normama), u skladu sa članom 49. alineja 4) Okvirnog zakona, imenovala Komisiju stručnjaka Rješenjem broj: 05-33-1-574-25/15 od dana 11.04.2019. godine.

Dana 29.07.2019. godine Komisija stručnjaka je Agenciji dostavila Izvještaj o eksternoj evaluaciji visokoškolske ustanove **Univerzitet modernih znanosti CKM** (u daljem tekstu: Izvještaj), radi izdavanja preporuke o akreditaciji visokoškolske ustanove.

Uvidom u Izvještaj, utvrđeno je sljedeće:

- formalna cjelovitost Izvještaja;
- da je Izvještaj napisan na jednom od službenih jezika u Bosni i Hercegovini i engleskom jeziku, te
- da je u skladu sa Odlukom o normama i Odlukom o kriterijima za akreditaciju visokoškolskih ustanova u Bosni i Hercegovini („Službeni glasnik BiH“, br. 96/16),

U skladu s Odlukom o normama, Komisija stručnjaka je ocjenila ispunjenost deset kriterija za akreditaciju opisnim ocjenama, kako slijedi:

- a) Politika osiguranja kvaliteta: *znatno ispunjen*
- b) Izrada i odobravanje programa: *znatno ispunjen*
- c) Učenje, podučavanje i vrednovanje usmjereni na studenta: *znatno ispunjen*
- d) Upis i napredovanje studenata, priznavanje i certificiranje: *potpuno ispunjen*
- e) Nastavno osoblje: *znatno ispunjen*
- f) Resursi za učenje i podrška studentima: *znatno ispunjen*
- g) Upravljanje informacijama: *potpuno ispunjen*
- h) Informisanje javnosti: *potpuno ispunjen*
- i) Kontinuirano praćenje i periodična revizija programa: *znatno ispunjen*
- j) Periodično vanjsko osiguranje kvaliteta: *potpuno ispunjen*

U cilju postupanja Agencije u skladu sa članom 49. alineja 5) Okvirnog zakona o visokom obrazovanja u Bosni i Hercegovini („Službeni glasnik Bosne i Hercegovine“, broj: 59/07 i 59/09), u smislu izdavanja preporuke za predmetnu visokoškolsku ustanovu, te kako bi se na odgovarajući način mogla steći ukupna slika o ispunjenosti zahtjeva kriterija, propisanih u Odluci o kriterijima za akreditaciju visokoškolskih ustanova u Bosni i Hercegovini („Službeni glasnik BiH“ broj 96/16), i datih ocjena Komisije stručnjaka u Izvještaju, Agencija je postupila u skladu sa članom 4. Instrukcije o davanju preporuke, te aktom broj: 05-33-1-574-28/15 od 22.08.2019.godine, od Komisije stručnjaka zahtijevala određene ispravke i pojašnjenja. Dopunjeni Izvještaj sa traženim ispravkama i pojašnjenjima, protokolisan je u Agenciji pod brojem: 05-33-1-574-29/15, dana 23.09.2019.godine.

Napomena: Ministarstvo obrazovanja, nauke, kulture i sporta Hercegovačko-neretvanskog Kantona svojim aktom broj 05-03-40-2946-5/19 od 04.02.2020.godine je dostavilo Agenciji

tražene podatke o broju stalno zaposlenog nastavnog osoblja u akademskoj 2018./2019. godini. Navedeni akt nadležnog Ministarstva dostavljamo u prilogu Preporuke.

Uzimajući u obzir sve navedeno, direktor Agencije, na osnovu člana 49. alineja 5) Okvirnog zakona, **daje preporuku nadležnoj obrazovnoj vlasti da izda rješenje o akreditaciji visokoškolske ustanove Univerzitet modernih znanosti CKM**, te isto dostavi Agenciji radi postupka ocjene usklađenosti rješenja o akreditaciji s normama i kriterijima iz člana 48., alineja 1) Okvirnog zakona o visokom obrazovanju BiH.

Visokoškolska ustanova bi trebala po prijemu Rešenja o akreditaciji detaljno analizirati preporuke Komisije stručnjaka i napraviti Akcioni plan u skladu sa propisima nadležne obrazovne vlasti i Odlukom o normama. Akcioni plan treba da obuhvata:

- imenovanje odgovorne osobe za pisanje, provođenje i praćenje realizacije Akcionog plana sa jasno definisanim odgovornostima
- vremenski okvir za realizaciju preporuka kao i potrebne finansijske i ljudske resurse
- definisane mjerljive indikatore za praćenje realizacije Akcionog plana



Direktor

Prof. dr. Enver Halilović

Prilog: Akt Ministarstva obrazovanja, nauke, kulture i sporta Hercegovacko-neretvanskog kantona

Dostaviti:

- Ministarstvo obrazovanja, nauke, kulture i sporta Hercegovacko-neretvanskog kantona
- Univerzitet modernih znanosti CKM
- ② Sektor 05
- a/a

